

漢

魏

遺

書

鈔

序錄

隋志賈逵春秋外傳國語二十卷

唐無

韋昭國語解敘曰左丘明采錄前世穆王以來下
訖魯悼智伯之誅邦國成敗嘉言善語陰陽律呂
天時人事逆順之數以爲國語其文不主於經故
號曰外傳漢章帝時鄭大司農爲之訓註侍中賈
君敷而行之建安黃武之間故侍御史會稽虞君
尚書僕射丹陽唐君又因賈爲主而損益之然猶
有異同昭切不自料因賈君之精實採唐虞之信

善復爲之解

解內稱賈唐二君或稱三君則兼虞翻也

謨案宋庠國語補註序錄云今惟韋氏所解傳於世諸家章句遂無存者然當唐世賈書實自別行故李善注文選每並引賈達韋昭國語註而韋解多卽賈註猶斑斑可考且如類聚書鈔於耕籍門所引國語數條具載賈註則賈書固不以韋廢也今故仍從韋解內鈔出入十一條又文選註九十一條史記集解十二條後漢書註三條經典釋文三條類聚一條書鈔七條初學記二條

內附唐註三十餘條

國語註

漢 扶風賈 逵撰

金鑑李學禮校

先王耀德不觀兵 耀明也

載戢干戈 戢藏也

並文選註

載櫜弓矢 唐云櫜韜也

昔我先世后稷 唐云父子相繼曰世

並史記集解

庶民弗忍欣戴武王 戴奉也

要服者貢 貢獻也

並文選註

今自大畢伯士之終也 大畢伯士大戎氏之二君

也

史記集解

守終純固

純專也

文選註

得囚白狼四白鹿以歸

白狼白鹿犬戎之職貢也

史記

集解

女三爲粲

粲亦美貌

是郃之也

郃防也

並文選註

猶其有原隰衍沃也

唐云下平曰衍有漑曰沃

集解

流王於彘

流放也

文選註

陳錫載周

唐云言文王布錫施利以載成周道

號文公課

文公文王母弟號仲之後爲王卿士

史

解 記集

農祥晨止

唐云農祥房星晨正晨見南方謂立春

之日也

類聚

王其祗被監農不易

祗敬也被除也不易土物之

宜循其土俗不易也

王乃淳濯饗醴

饗飲也王沐浴飲醴酒

並書鈔

后稷監之

監察也

文選註

膳夫農正陳藉禮

農正田大夫主敷陳藉禮而祭

其神爲農祈也

書鈔

王耕一墾班三之一墾一耦之發也耜廣五寸二

耜爲偶一發廣尺也班次也三之謂公卿大夫也

王之下各三其上公三發卿六發大夫九發成天

子三推謂諸侯九推也

類聚

司徒省民大師監之 大師三公官也

瞽帥音官以省風土 音官樂官也以音律省風土

風氣和則土氣養

廩於藉東南鍾而藏之 廩御廩一名神倉東南生

長之處鍾聚也謂爲廩以藏王所藉田以奉齋盛

百官御事

御治也

並書鈔

紀農協功

紀猶錄也

王事惟農是務

唯獨也

並文選註

大教逆也

唐云言不教之順而教之逆

史記集解

宣王欲得國子之能導訓諸侯者

國子諸侯之嗣

子或云國子諸侯之子欲使訓導諸侯子也

唐云國子

謂諸侯能治國子養百姓者○韋昭國語解

宣王既喪南國之師

唐云南國南陽也

伯陽父曰周將亡矣 唐云伯陽周柱下史老子也

並史記

集解

水土演而民用也 演引也

所以阜財用衣食者也 阜厚也

繼其苛慝 苛煩也

鸞鷟鳴於岐山 鸞鷟鳳之別名也

車服旗章以旌之 旌表也

並文選註

鄭武莊有大勲力於平桓 唐云王奪鄭伯政鄭伯

不朝王伐鄭鄭祝聃射王中肩豈得爲功桓當爲

恚

鄆之亡也由仲任 唐云鄆爲鄭武公所滅非取任

氏而亡也

鄆由叔妘 唐云亦鄭武公滅之不由女亡也

鄭伯南也 南者在南服之侯伯或云南南面君也

並國
語解

翟人來誅殺譚伯 唐云譚伯周大夫原伯毛伯

集解

王勞之以地文公辭請隧焉 隧王之葬禮闕地通

路曰隧

國語
解

余一人僅亦守府 僅猶言纔能也

文選詩

野有庾積 唐云十六斗曰庾

國語解

火見而清風戒寒 戒人爲寒備也

棄其伉儷妃嬪

儷偶也

並文選詩

不亦瀆姓矣乎

姓命也 一曰夏氏姬姓鄭女亦姬

姓故謂之瀆姓

國語解

不亦簡筭乎 簡畧也

乘人不義 乘陵也

謂我曰夫何次之有 謂告也

言爽日反其信 爽武也

並文選註

於今再矣 於今單襄公時也晉厲公卽黑臀之孫

也黑臀之後二世爲君與黑臀滿三世矣

唐云時晉景公

在位成公生景公

故言再○國語解

襲于休祥 襲受也

穀洛鬪將毀王宮 鬪者兩會似於鬪

並文選註

聚不隤崩 小崩曰隤

後漢書註

昔共工棄此道也 共工諸侯炎帝之後姜姓也顓

頊氏衰共工氏侵陵諸侯與高辛氏爭而王也或

云共工堯時諸侯爲高辛所滅

國語解

度之於軌儀 軌法也

謂其能爲禹股肱心膂 膂脊也

至於今未弭 弭忘也

並文選註

或在畝畝 一耦之發廣尺深尺爲畝百步爲畝

二后受之讓於德也 言二后所以受天命者以能

讓有德也謂詢於八虞訪於辛尹之類

並國語解

膺保明德 膺受也

文選註

景王將鑄大錢 虞夏商周金幣三等或赤或白或

黃黃爲上幣銅錢爲下幣大錢者大於舊其賈重

也

唐云大錢重十二銖文曰大泉五十○國語解

關石餘均 關通也

田疇荒蕪 二井爲疇蕪穢也

並文選註

王將鑄無射而爲之大林 無射鍾名律中無射也

大林無射之覆也作無射而爲大林以覆之其律

中林鍾也

不過步武尺寸之間 半步爲武

並國語解

觀美而眩 眩惑也

文選註

行之以節八風 八風八卦之風也

初學記

衆口鑠金

鑠消也

文選註

律以平聲 律黃鍾爲宮林鍾爲徵大蔟爲商南呂爲羽姑洗爲角所以平五聲也

所以金奏贊陽出滯也 大蔟正聲爲商故爲金奏

所以佐陽發出伏滯也

國語解

憚其犧也

憚畏也

周易釋文

蕩以爲魁陵糞土

小阜曰魁

文選註以上周詒

先王制諸侯使五年四至一相朝也 王謂王事天

子也歲聘以志業閒朝以講禮五年之閒四聘於王而一相朝者將朝天子先相朝也

唐云先王謂堯也五載一

巡守諸侯四朝

丹桓宮之楹而刻其桷 唐云桷椽頭也

大懼殄周公大公之命祀 周公爲太宰大公爲太

師皆掌命諸侯之國所當祀也

並國詳解

其次用鑽竿 鑽鑿也

五刑三次是無隱也 隱私也

海鳥曰爰居 爰居雜縣也

帝嚳能序三辰以固民 三辰日月星也

並文選註

有虞氏禘黃帝而祖顓頊郊堯而宗舜 有虞氏舜

後在夏殷爲二王後故有禘郊宗祖之禮也

夏父弗忌爲宗烝將躋僖公 烝進也謂夏父弗忌

進言於公將升僖公於閔公上也

唐云烝祭也

其天札也 未名曰天

並國語解

助生阜也 阜長也

山不槎斲 槎邪斫也

若鮑氏有豐 豐兆也

陷而不振 振救也

臣以爲肄業及之 肄習也

掎止晏萊焉 從後牽曰掎

並文選註

土之怪曰墳羊

唐云墳羊雌雄未成者

史記集解

內朝子將庀季氏之政焉

庀由理也

文選註

師尹惟旅牧相宣序民事

師尹大夫官也掌以美

詔王惟陳也旅衆士也牧州牧也相國也皆百官

政事之所及也

宗不具不繹

宗宗臣主祭祀之禮不具謂宗臣不

具在則敬姜不與繹也

唐云繹祭之明日也

男女之饗不及宗臣

男女之饗謂晏相饗食之禮

宗室之謀不過宗人

唐云不過宗人則不與他姓

議親親也

並國語解

分同姓以珍玉

珍寶也

文選註

今吾子之教官寮

唐云同官曰寮

季康子欲以田賦

田一井也周制十六井賦戎馬

一匹牛二頭一井之田而欲出十井之賦也

以上魯語

是以瀆於死

瀆近也

九妃六嬪 唐云九妃三國之女以姪娣從也

並國語解

合羣參比較民之有道者 校考也

比綴以度 綴連也

羣萃而州處 萃亦處也

權節其用 節制也

並文選註

制國以爲二十一鄉 唐云四民之所居也

士鄉十五 唐云士與農共十五鄉

鄉有良人焉 良人鄉士也

並國語解

訾相其實 訾量也

鄉不越長朝不越爵 越踰也

索訟者

索求也

並文選註

纒山於有牢

纒還也

後漢書註

使海於有蔽渠弭於有渚 海海濱也有蔽言可依

蔽也渠弭釋海也水中可居者曰渚

有革車八百乘 謂一國之賦八百乘也乘七十五

人凡甲士六萬人

並國語解

桓公與諸侯飾牲爲載以約誓於上下庶神 飾牲

陳其牲爲載書加於牲上而已不歃血也

書鈔

勦力同心 勦力并力也

文選註

反胙於絳 反復也胙位也絳晉國都也晉獻公卒

奚齊卓子死國絕無嗣晉侯失其胙位桓公以諸侯討晉至高梁使隰朋帥師立公子夷吾復之於

絳是爲惠公

國語解

天威不遠顏咫尺 八寸曰咫

文選註

大路龍旂九旒渠門赤旂 大路諸侯朝服之車謂

金路

史記集解

鉤樊纓九就龍旂九旒也渠門亦旂名

赤旂大旂也

國語解
以上齊語

所以示權於中國也 權秉也秉卽柄字

必甘受逞而不知 逞快也

今晉寡德而安俘女 伐國取人曰俘

肆侈不違 肆恣也

並文選註

非禮不終年 十年而數終

唐云不能終其年與下不盡齒同○國語解

民之疾心固皆至矣 疾惡也

文選註

伯氏不出 伯氏申生也

懼不孝不懼不得 不得不得君心也

並國語解

多爲之故以變其志 故謀也

丕鄭曰惜也

惜痛也

並文選註

殺君以爲廉

廉猶利也以太子故殺君以自利

唐云

爲太子殺奚齊不
有其國以爲廉也

命之以汾陽之田百萬

汾水名汾陽晉地百萬百

萬畝也

並國語解

黃金四十鎰

一鎰二十四兩

文選註

貞之無報也孰是人斯而有是臭也

貞正也謂惠

公欲以正禮改葬世子而不獲吉報也孰誰也斯

斯世子也誰使是人有是臭者言惠公使之也

國語

解

其魄兆於民矣 兆形也

作轅田

轅易也

文選註爰易也轅爰字通

爲易田之法賞衆以

田易疆界也

唐云讓肥叔境也

底箸滯淫 淫久也

旣而揮之

揮灑也

並文選註

同姓爲兄弟

兄弟婚姻之稱也

凡黃帝之子二十五宗

唐云繼別爲小宗

昔少典取於有嬌氏生黃帝炎帝

少典黃帝炎帝

之先有矯諸侯也炎帝神農也唐云少典黃帝炎帝之父○並國語

畏黷敬也 黷媒也

薦在宗廟君之力也 在宗廟爲祭主也

並文選註

尚有晉國 尚且也

內有震雷故利貞 震以動之利也侯以正國貞也
利義之和也貞事之幹也

十月惠公卒十二月秦伯納公子

韋昭云四傳魯僖公二十三年九月

晉惠公卒而此云十月賈侍中以爲閏餘十八閏在十二月後魯失閏以閏月爲正月晉以九月爲

十月而置閏也秦伯以十二月始納公
子公子以二十四年正月入晉桑泉

元年春公及夫人嬴氏至自王城 是月失閏以三

月爲四月故曰春而不言其月明四月爲春分之

月也嬴氏秦穆公女文嬴也

並國語解

令疏軍而去之 疏除也

文選註

文公誅觀狀以伐鄭 鄭復效曹觀公駢脅之狀故

伐之

唐云誅曹觀狀之身還而伐鄭

夫三德者偃之出也 三德欒枝先軫胥臣也皆狐

偃所舉

並國語解

其章大矣不可廢也

章著也

文選註

子犯卒蒲城伯請佐

蒲城伯先且居也

國語解

戚施不可使仰

戚施僕也

爾雅釋文

惠慈二蔡

二蔡文王子管叔初亦爲蔡

詢於八虞

八虞周八士皆在虞官伯達伯适仲突

仲忽叔夜叔夏季隨季騶

大蒐於被廬作三軍

唐云立新軍之上下也

戰以錡于丁寧傲其民也

唐云錡于錫也

並國語解

川澗山崩

澗竭也

風聽臚言於市

風采也采聽商旅之言也

並文選註

以韎韋之跗注

一染曰韎

國語解

夫膏粱之性難正也

膏肉之肥者梁食之精者言

食肥美者率多驕放其性難正也

文選註

使張老延君譽於四方

延陳也

韓獻子老使公族穆子受事於朝

唐云獻子致仕

而用其子爲公族大夫

納女工妾三十人

妾女樂也

問於張老

張老中軍司馬也

爲成師居大傅 唐云爲成公軍師兼大傅官

並國語解

山川以達之 樂所以通山川之風類以遠其類

初學

計

晉其庶乎 庶冀也

少懦於諸侯 懦下也

事君不援而進 援引也

襄子將食尋飯有恐色

尋用也

並文選註以上晉語

讒慝暗昧

暗不明也

文選註

合十數以訓百體 十數自王以下位可十等王臣

公公臣大夫大夫臣士士臣阜阜臣與與臣隸隸
臣僚僚臣僕僕臣臺百體百官各有體屬也合此
十數之名以訓導百官之體也

計億事 萬萬爲億

並國語解

王使婦人不幃而諫之 唐云羣呼曰諫

史記集解

武王之子應韓不在 不在時已亡也

十邑皆有寄地 寄地獨寄土也

秦景襄於是乎取周土 秦景公宣王季年伐西戎

破之遂有其地

並國語解
以上鄭語

爲之聳善而抑惡焉 抑止也

文選註

蔡聲子將如晉 唐云楚滅蔡蔡聲子爲楚大夫

在中軍王族而已 唐云族親族同姓也

並國語解

與王心違 違異也

緬然引領南望 緬思貌也

大能掉小 掉搖也

以交儆子 交共也

並文選註

作懿戒以自儆也 懿戒書也

武丁於是作書 書說命也

並國語解

民之精爽不攜貳者

精明也

文選註

命火正黎司地

唐云火當爲北北陰位也

國語解

日月會於龍虬

虬龍尾也月令孟冬日在尾

獨居思念前世之崇替 崇終也替廢也

惠王以梁子魯陽文子辭 惠王楚昭王子梁楚北

境魯陽文子楚平王之孫司馬子期之子魯陽公

並文選註
以上楚語

未嘗有所挫也 摧其鋒曰挫

後漢書註

必素見成事焉而後履之 素豫也

大王豈厚裁之 裁制也

以犯獵吳國之師徒 獵取也

並文
還註

行頭皆官帥 官帥大夫也

擲鐸拱稽 唐云稽檠戟也

王稱左畸 稱呼也左畸軍左部

乃皆進自到於客前以酬客 到到也酬報也將報

客使死士自到以示其威行軍士用命也

王總其百執事 王往也百執事百官也

莖笠相望於艾陵 唐云莖夫須也

並國
語解

吾欲與之邀天之衷

邀求也

文選註

國人欲告者來告 告不任軍事也

王背檐而立

唐云檐屋名也

並國語解以上吳語

苟得聞子大夫之言

親而近故曰子大夫也

係妻孥

係繫也

乃必有偶

偶對也

無曠其衆以爲亂梯

梯猶階也

並文選註

德虐之行因以爲常

唐云言無德行虐習以爲常

忠臣解骨

解骨子胥伏屬鏤也

並國語解

蹶而趨之 蹶走也

蚤晏無失

晏晚也

並文
選注

吳王帥其賢良與其重祿 重祿大臣也

唐云重祿
寶璧○國

語
解

又安知是譏譏者乎 譏譏巧言也

公羊
釋文

陰遁而不能蒸 蒸升也

百姓攜貳

攜離也

並文
選注

施三服義 三謂忠信仁也

國語
解

聃由鄭姬

文王子聃季之國也

史記
索隱

駟見而隕霜

駟房星也

初學記

高位實疾顛厚位實腊毒

顛隕也腊久也言味厚

者其毒久也

天地之所祚

祚祿也

今本作祚無之字並文選註

有崇伯鯀

崇國名伯爵也

書舜典疏

子朝景王之長子也

文選註按此註當在景王既殺下門子篇

元王勤商十有四葉而興湯之祖契謂之元王

類聚

並補

周語

大刑用甲兵

謂諸侯不式王命則以六師移之

國語

解書舜典疏引賈逵註用甲
兵者諸侯逆命征討之政也

今齊社而往觀旅

旅客也

文選注

嘗禘烝享之所致君者有數矣

臣致祭肉于君謂

之致胙

國語解
並補魯語

論比協材

論擇也

初學記
補齊語

驅姬置堇於肉

堇烏頭也

初學記

諏于蔡原訪于辛尹 辛甲尹佚蔡公原公也

先君唐叔射兕于徒林殪以爲大甲 以兕革爲大

甲

初學記
並補晉語

先君莊王爲匏居之臺

匏居高臺名

初學記補楚語

赤羽之贈

今本作朱羽

矢羽爲贈

初學記補吳語

序錄

隋志世本王侯大夫譜二卷劉向撰世本二卷宋裴

撰世本四卷

唐志宋裴世本四卷世本別錄一卷宋均注帝譜世本七卷王氏注世本譜二

卷

裴駟史記集解敘曰班固有言司馬遷據左氏國語采世本戰國策述楚漢春秋接其後事訖于天

漢

司馬貞索隱曰按劉向云世本古史官明於古事者之所記也錄黃帝以來帝王諸侯及卿大夫系

漢魏通志卷
一
諡名號凡十五篇也

孔穎達尚書正義曰案今世本帝繫及大戴禮五
帝德并家語宰我問太史公五帝本紀皆以黃帝
爲五帝此乃史籍明文而孔君不從之者原由世
本經於暴秦爲儒者所亂家語則王肅多私定大
戴禮本紀出於世本以此而同

顏氏家訓曰世本左丘明所書

原注此說出皇甫謐帝王世紀而

有燕王喜漢高祖

史通曰楚漢之際有好事者錄自古帝王公侯卿

大夫之世終乎秦末號曰世本又曰世本辨姓著
自周室

謨案班彪言定哀之間魯君子左丘明論集史文
作左氏傳三十篇又撰異同號曰國語二十篇又
有記錄黃帝以來至春秋時帝王諸侯卿大夫號
曰世本一十五篇故皇甫謐以世本爲左丘明作
後經劉向校定宋忠注解隋志遂以爲二人所撰
非也謂出古史官及楚漢間好事者近之太史公
雖采此書作本紀世家亦不盡依其說而至謂舜

與堯同祖黃帝后稷至文王十五世此則又與世本習迷同辭也但學者而欲稍知先古世系源流舍世本更別無考據唐世其書猶存故孔穎達五經正義司馬貞史記索隱率時時引証如正義言世本無陽國索隱言世本無燕代系固非周覽全書不能斷也宋世此書宜已散軼而羅泌路史國名紀鄭樵通志氏族畧王應麟姓氏急就篇注猶多引世本其果得見原書與否無可質究但如廣韻所引楚大夫涉其帑爲涉其氏事見左傳定公

五年楚王奔隨將涉於成曰藍尹壺涉其帑不與
王舟是謂楚大夫藍尹壺以舟涉其妻子而不與
王也何得以涉其帑爲楚大夫姓名紕繆若此則
諸所引世本姓氏其可信乎要知此書本極斷爛
易致混淆轉寫多誤尤難釐正今所鈔輯率據史
記與正義索隱參互考訂而於宋人著書所引世
本是非亦不復置辨以先秦古書絕少傳本務廣
蒐羅不嫌麇孱也故仍畧仿原書體例編爲二卷
而以帝王諸侯卿大夫世系爲上卷姓氏篇居篇

作篇爲下卷其條數則不具列云

世本

漢 南陽宋忠注

宜黃黃錫祺校

三皇世系

太昊伏羲氏

孫氏曰伏羲神農黃帝是爲三皇

按史記正義太史公依世本大

戴禮以黃帝顓頊帝嚳唐堯虞舜爲五帝譙周應劭宋均皆同而孔安國尚書序皇甫謐帝王世紀孫氏注世本並以伏羲神農黃帝爲三皇少昊顓頊高辛唐虞爲五帝則世本又當有孫氏注而隋唐志俱不載惟裴駟史記集解于曹世宗注引孫檢說索隱云注引孫檢未詳時代疑卽注世本之孫氏名檢也

炎帝神農氏

宋仲子曰炎帝卽神農氏炎帝身號神農代號也

左傳昭十七年疏按經典敘錄宋衷字仲子南陽章陵人後漢荊州五等從事又蜀志尹默傳默遠遊荊州從司馬德操宋仲子等受古學裴松之注宋仲子後在魏其子與魏諷謀反伏誅魏太子苌王朗書曰嗟乎宋忠無石子先識之明老懼此禍則宋忠宋衷宋仲子祇一人也諸引世本注或稱宋忠或稱宋衷或稱宋仲子名字不一各從所見書之

黃帝有熊氏娶于西陵氏之子謂之纍祖產青陽及

昌意

山海經注路史引世本春秋有西陵羔

宋衷曰元囂青陽卽少昊也

本紀索隱

五帝世系

帝少皞金天氏

昭元年疏

孫氏曰少昊顓頊高辛唐虞爲五帝

宋仲子曰青陽卽是少皞黃帝之子代黃帝而有

天下號曰金天氏少皞氏身號金天氏代號也

昭十

七年疏

路史後紀注董氏錢譜引世本云少昊

黃帝之子名契字青陽黃帝歿契立王以金德號

曰金天氏同度量調律呂封泰山作九泉之樂以

鳥紀官按少昊名摯此引世本名契路史故兩

之存

帝顓頊高陽氏

宋衷曰顓頊名高陽有天下號也史記本紀索隱

昌意生高陽是爲帝顓頊玉篇母濁山氏之子名昌僕

山海經注高陽生偁偁生卷章卷章生黎昭二十九年疏

世本云顓頊娶于滕瑣氏謂之女祿產老童老童娶

于嫫木氏謂之騶福產重及黎○楚世家注引世本

云老童生重黎及吳回譙周曰老童卽卷章○按此

則孔氏左傳疏郭璞山海經注徐廣史記注所據世

本俱有不同今按楚世家云高陽生偁偁生卷章卷

章生重黎重黎爲高辛居火正命曰祝融共工作亂

帝嚳使重黎誅之而不盡乃誅重黎而以吳回爲重

黎後復居火正爲祝融吳回生陸終下乃云云史記

蓋依世本則徐吳回氏生陸終陸終娶于鬼方氏之

妹謂之女嬪生子六人孕而不育三年啓其左脇三

人出焉啓其右脇三人出焉

御覽

宋忠曰鬼方於漢則先零戎是也

文選注

其一曰樊是爲昆吾昆吾者衛是也

宋忠曰昆吾國名已姓所出

二曰惠連是爲參胡參胡者韓是也

宋忠曰參胡國名斯姓無後

三曰籛鏗是爲彭祖彭祖者彭城是也

宋忠曰彭祖姓錢名鏗在商爲守藏史在周爲柱

下史年八百歲

按史記此條無宋忠注此從論語邢疏宋錄而邢疏實本莊子釋文

所引
世本

四曰求言是為會人會人者鄭是也

宋忠曰求言名也姬姓所出鄆國也

詩正義引世本云會人即

楡之
祖也

五曰安是為曹姓曹姓者邾是也

宋忠曰安名也曹姓者諸曹所出也

六曰季連是為芊姓季連者楚是也

宋忠曰季連名也芊姓諸楚所出楚之先

季連生附沮

孫檢曰沮作祖

以上並出史記本紀集解

帝嚳高辛氏

宋衷曰高辛地名因以爲號嚳名也

五帝本紀索隱

黃帝生玄囂玄囂生僑極僑極生帝嚳

書舜典疏

帝嚳卜其四妃之子皆有天下元妃有郃氏之女曰

姜原生后稷次妃有娥氏之女曰簡狄生契次妃陳

鄴氏之女曰慶都生帝堯次妃訾陬氏之女曰常儀

生帝摯

類聚

帝堯陶唐氏

帝嚳生堯

書舜典疏 又按疏云世本堯是黃帝玄孫舜是黃帝入代之孫

堯娶散宜氏之子謂之女皇

宋忠曰女皇是生丹朱

御覽

帝舜有虞氏

顓頊生窮係窮係生敬康敬康生句望句望生螭牛

螭牛生瞽瞍瞽瞍生重華是爲帝舜

三代世表 按舜以上世系于

世本文無考惟史記索隱于五帝本紀帝顓頊生子窮蟬下引系本作窮係宋忠云一云窮係諡也又于三代世表舜屬內亦引系本此文今故據世表爲說以索隱云此表依系本故也系本卽世本以避唐諱改稱系本又稱代本此亦各從所見稱之

宋衷曰一云窮係證也

五帝本紀索隱

舜取帝堯之二女曰娥皇女瑩

本紀索隱曰列女傳云二女長曰娥皇次

曰女英系本作女瑩

夏世系

黃帝生昌意昌意生顓頊顓頊生鯀

山海經注

鯀取有辛

氏女謂之女志是生高密

夏本紀索隱玉篇引世本鯀生高密是爲禹

宋衷曰高密禹所封國

索隱

禹取塗山氏女名女媧生啓

本紀索隱路史注引世本云禹納塗山氏女

是爲倣女

少康崩子帝予立

系本作帝杼

帝予崩子帝槐立

系本作帝芬

帝泄崩子帝不降立

系本作帝降

帝皐生發及履癸履癸一名桀

宋衷曰帝皐墓在嶠南陵

並本紀世表索隱太史公雖采世本作史

按

記然於本紀世家序次諸王侯世系與諸家注解所引世本往往不合故如夏本紀世表所載從禹至桀十七世惟啓杼芬降皐發履癸見世本有明文得錄餘皆不錄後放此

商世系

契生昭明昭明生相土相土生昌若昌若生遭圉

本紀

作曹圉索隱引世本作糧圉

遭圉生根國

本紀曹圉卒子冥立無根國

根國生

冥禮記祭法疏

冥卒子振立

索隱曰世本作核

宋衷曰相土就契封于商春秋左氏傳曰闕伯居商止相土因之冥爲司空勤其官事死于水中殷

人郊之

殷本紀注

湯名天乙

書釋文引王侯世本者依殷法以乙日生名天乙

孔疏云湯名天乙至將爲王又

改名爲履故二名也安國不信世本無天乙名

外丙三年崩仲壬四年崩

本紀正義曰太史公採世本有外丙仲壬當是信則

傳信疑則傳疑

太甲崩子沃丁立

咸有一德疏

小甲 世表太庚弟 索隱曰殷本紀及系本皆云小甲大庚子

仲丁大戊之子河亶甲仲丁弟也祖乙河亶甲子 威

一德疏

祖辛崩弟沃甲立 索隱曰系本作開甲

盤庚崩弟小辛立崩弟小乙立崩子武丁立 說命上疏

周世系

后稷生不窋爲昭不窋生鞠陶爲穆鞠陶生公劉爲昭公劉生慶節爲穆慶節生皇僕爲昭皇僕生差弗爲穆差弗生毀掄爲昭毀掄生公非爲穆公非生高

園爲昭高園生亞園爲穆亞園生祖紺爲昭祖紺生
大王竄父爲穆竄父生季歷爲昭季歷生文王爲穆
書韻語疏 按史記周本紀于毀隄引世本高園侯倅
公非下引世本公非辟方高園下引世本高園侯倅
亞園下引世本亞園雲都公叔祖類下引世本太公
祖紺諸懿並未分析是一人二人班固人表乃云辟
方公非子高園辟方子侯牟亞園皆高園子雲都乃
國之弟路史因此遂謂世本不密而下至于季歷
十有七世與史記本紀世表及書
疏所引世本又各不同未能詳也

宋忠曰高園能率稷者也周人報之

周本紀注

成王生康王康王生昭王昭王生穆王穆王生恭王

本紀共王名緊扈蒙
隱曰世本作伊扈

恭王生懿王及孝王孝王生夷

王夷王生厲王

詩民勞疏云懿王崩弟孝王立孝王崩懿王太子

禮記郊特牲疏引世本

子癸立是爲夷王案此則夷王是懿王之

之子與詩疏引世本文不同未詳孰是

宋衷曰昭王南伐楚辛由靡爲右涉漢中流而隕

由靡逐王遂卒不復周乃侯其後于西翟

齊世家索隱

平王生桓王林林生莊王佗佗生僖王胡齊胡齊生

惠王涼

本紀惠王名閭索隱曰系本作毋涼

涼生襄王鄭鄭生頃王巨

巨生匡王班及定王瑜瑜生簡王夷夷生靈王泄心

泄心生景王貴貴生悼王猛及敬王匄

昭二十六年疏

敬王崩子元王仁立

徐廣曰世本云貞王介也

元王崩子定王介

立徐廣曰世本云元王赤也索隱曰世本云元王
赤皇甫證云貞定王考據二文則是元有兩名一
名仁一名赤如史記則元王爲定王父定王卽貞王
也依世本則元王是貞王子必有一乖誤然此定當
爲貞字誤耳豈周家有兩定王數代又非遠乎皇甫
謏見疑而不決遂彌縫史記世本之錯謬因謂爲貞
定王未爲得也

宋仲子曰太史公書云元王仁生貞王介

哀二十
年疏

按此條史記世本最相牴牾難于審
定故備錄諸說俾學者得有所考焉

威烈王

宋衷曰威烈王葬洛陽城中東北隅也

周本
紀注

周君王赧卒

宋忠曰諡曰西周武公

索隱曰非也徐以西周武公是惠公之長子此周君

卽西周武公也蓋此時武公與王報皆卒故速言也

春秋列國公侯世系

魯公伯禽卒子考公酋立

索隱曰系本作就

考公卒弟煬公

熙立煬公卒子幽公宰立

索隱曰世本名圉

十四年弟濇殺

幽公而自立是爲魏公

徐廣曰世本作微公曰系本濇作弗音沸

索隱按左

傳釋文世本魏公作微公

魏公卒子厲公擢立

索隱曰系本作翟

厲公卒

弟獻公具立獻公卒子真公湣立

索隱曰真音慎本亦作慎公湣系本

作摯

按年表真公湣索隱引系本亦作慎公摯又左傳釋文世本慎公一作順公

真公卒弟

武公敖立

按世家自伯禽以下至武公一繼一及凡九若實祇五世其有名證見世本者五君

而禮記明堂位疏引世本但云伯禽生煬公熙熙生微公弗弗生獻公具具生武公敖不數考公幽公厲公真公者孔疏蓋以證明鄭注武公爲伯禽元孫故于此四公畧而不敘非脫誤也

孝公卒子弗湟立

系本作弗皇

是爲惠公卒長庶子息

系本

名息

攝是爲隱公

桓公允

系本名執

閔公開

系本名啟

昭公禚

系本作禚

哀公蔣生悼公寧寧生元公嘉嘉生穆公不衍

檀弓上疏

世家穆公名顯索

隱曰系太顯作不衍

平公叔

系本叔作旅

文公賈

系本作潁公

齊太公望生丁公伋伋生乙公得得生癸公慈母

世家

作癸公索隱曰系本作祭公慈母

慈母生哀公不臣

檀弓上疏

宋衷曰哀公荒淫田遊史作還詩以刺之也

獻公山弒胡公

宋衷曰其黨馬周繻人將胡公於貝水殺之而山

自立也

並世家索隱

武公壽

宋衷曰武公十年宣王大臣共行政故號曰共和

十四年宣王卽位

年表索隱

成公脫

索隱曰系本作說

卒莊公購立

索隱曰系本作曠

靈公名環莊公名光景公名杵臼

管晏列傳索隱

田常立簡公弟騫是爲平公

索隱曰系本作敬公誤

唐叔五代孫厲侯厲侯子靖侯

宋衷曰唐叔已下五代無年紀

十二諸侯年表索隱

武侯寧族

世本作曼期

厲侯福

世本作輻

獻侯籍

世本作蘇

鄂侯郟

索隱云他本亦作都

武公曲沃莊伯子韓萬莊伯弟

桓三年疏

昭公生桓公子雍

徐廣曰世本作桓子雍注云戴子

生忌忌生懿公

驕

幽公柳生烈成公止

宋忠曰時晉衰反朝韓趙魏之君

並世家索隱

孝公頊

索隱曰系本云孝公頊欣

靜公俱酒

索隱曰系本云靜公俱

衛康叔生康伯 髡髡生考伯 考伯生嗣伯 嗣伯生摯伯 摯伯生靖伯 靖伯生箕伯 箕伯生頃伯 頃伯生僖

侯 僖侯生武公

左傳 公年疏又襄二十九年疏康叔周公弟武公康叔九世孫

宋襄曰康伯卽王孫牟也 事周康王爲大夫

戴公名申

問二年疏

悼公卒

索隱曰系本名虔

子敬公弗立

世本云敬公費也

敬公卒子

昭公糾立

索隱曰系本云敬公生撓公舟非也

聲公訓

索隱曰系本作聖公馳

成侯速

系本作不逝按上穆公已名遨不可成侯更名則系本是也

蔡平侯者靈侯般之孫太子友之子

管蔡世家注

曹戴伯卒子惠伯兕立

孫檢曰兕音徐子反曹惠伯或名雉或名弟或復

名弟兕也

穆公卒子桓公終生立

孫檢曰一作終溼溼音生

並曹世家集解

悼伯卒弟露立諡靖公

曹世家索隱

周文王子錯叔繡封於滕

水經注一見前漢書地理志

考公麋元公弼

邢昺孟子疏曰按趙岐注云滕侯用文王之後也古紀世本錄諸侯之世

滕國有考公麋與文公之父定公相直其子元公弼與文公相直似後世避諱改考公爲定公以元公行文德故謂之文公也

齊景公亡滕

隱七年疏云按齊景之卒在滕隱之前世本言隱公之後仍有六世爲君而云

齊景亡滕爲謬何甚

燕惠侯卒釐侯立釐侯卒頃侯立頃侯卒哀侯立哀

侯卒鄭侯立鄭侯卒繆侯立繆侯卒宣侯立

索隱曰譙周云

世本謂燕自宣侯已上皆父子相傳故無所疑桓侯已下並不言屬以其難明故也按今世本無燕世系宋忠依太史書以補其闕尋徐廣作音尚引世本蓋近代始散逸耳

襄公卒桓公立

索隱曰譙周云世家襄伯生宣伯無桓今檢史記並有桓公立十六年宋

忠據此史補世本亦有

桓公是允南所見本異

武公卒文公立

又云桓公卒文公立索隱曰世本以上文公爲閔公

燕王喜

按顏氏家訓世本有燕王喜

吳夷昧生光

昭二十七年疏一見徐廣吳世家注索隱云今檢世本並無此語

陳胡公滿

宋忠曰虞思之後箕伯直柄中衰殷湯封遂於陳

以爲舜後是也

陳世家索隱

陳厲公

桓十二年疏云陳世家言蔡人爲佗殺五父及桓公太子免而立佗是爲厲公太子免之

亡弟躍林杵曰共弑厲公而躍立是爲利公旣以佞
爲厲公又妄稱躍爲利公世本本無利公皆是馬遷
妄說束哲言馬遷分一人以
爲兩人以無爲有謂此事也

杞共公生惠公惠公立十八年生成公及桓公成公
立十八年桓公立十七年
按史記杞世家惠公作德
公又脫成公一代此據徐

廣杞世家
注引世本

秦祖柏翳
索隱云系本
謂之伯益

仲滑生飛廉
正義引宋
忠注世本

穆公名任好景公名后伯車
秦本紀
索隱

懷公生昭子昭子生靈公

簡公名悼子刺龔公之子懷公弟也

惠公生出公

索隱曰世本謂之少主

元獻公立二十二年

武烈王十九而立立二年

並始皇本紀索隱

昭王名側

檇甘列傳索隱

始皇名政

宋忠曰以正月旦生故名正

系本作政

楚熊渠封其中子之名某者為鄂王

水經注楚世家云熊渠生子

三人立其長子康為句亶王中子組為鄂王少子執疵為越章王索隱曰世本康作庸亶作祖執疵無執

字越
作就

楚武王墓在豫州新息

正義正

頃襄王卒太子熊元立

系本作完

是爲考烈王

索隱

秦將王翦滅楚

孫檢曰秦虜楚王負芻滅去楚名以楚地爲三郡

索隱曰裴注頻引孫檢不知其人本末蓋齊人也

趙肅侯名語

蘇秦傳注引作言

敬侯名章成侯名種

見魏世家索隱

孝成王丹生悼襄王偃偃生今王遷

趙世家注

魏惠王生襄王嗣襄王生昭王邀

世家襄王卒子哀王立索隱云系本

襄王生昭王而無

昭王生安僖王圍安僖王生景愍

哀王蓋廢一代

王午

魏世家索隱

韓景侯卒子列侯取立

系本作武侯

列侯卒子文侯立

索隱

日紀年無文侯系本無

列侯

韓世家索隱

韓宣王昭侯之子也

齊宣王名辟疆威王之子也

並蘇秦列傳索隱

宣王卒子湣王地立

系本名遂

蜀無姓相承云黃帝後世子孫也

三代世表索隱

巴郡南蠻本有五姓巴氏樊氏驛氏相氏鄭氏皆出於武落鍾離山

注代本日廩君之先故出巫誕也

其山有赤黑二穴

巴氏之子生於赤穴四姓之子皆生黑穴未有君長俱事鬼神乃共擲劍於石穴約能中者奉以爲君巴氏子務相乃獨中之衆皆歎又令各乘土船約能浮者當以爲君餘姓悉沈唯務相獨浮因共立之是爲廩君

書鈔引世本云以土爲船雕文畫之而浮于水內約船浮者當以爲君他姓船不能浮獨廩君

船浮因立以爲君長乃乘土船從夷水至鹽陽鹽水有神女謂廩君曰此地廣大魚鹽所出願留共居廩君不許鹽

神暮輒來取宿旦卽化爲蟲與諸蟲羣飛掩蔽日光

天地晦冥積十餘日廩君思其便因射殺之天乃開

明

注代本日廩君使人採青縷以遺鹽神曰嬰此卽相宜云與女俱生弗宜將去鹽神受縷而嬰之廩

君卽立陽石上應青縷而射之

廩君於是君乎夷城

中鹽神鹽神死天乃大開也
後漢書南蠻傳云
此已上並見代本

春秋列國卿大夫世系

魯孝公生嚌伯彊彊生哀伯達達生伯氏餅餅生文

仲辰

莊二十八年疏

辰生宣叔叔生賈賈生會

禮記正義

臧會臧

頃伯也宣叔許之孫與昭伯賜爲從父昆弟

魯世家索隱

孝公生惠伯革其後爲厚氏

檀弓注云后木孝公子惠伯鞏之後孔疏按世

本云革此云鞏世本云厚此云后其字異耳索隱引世本昭伯名惡孝公之後稱卹氏

桓公生慶父慶父生穆伯敖敖生文伯穀穀生獻子

蔑

檀弓下疏

蔑生孝伯孝伯生惠伯惠伯生昭伯昭伯生

景伯

檀弓上疏

仲叔獲生南宮縚

同上

桓公生僖叔牙牙生戴伯茲茲生莊叔得臣得臣生

穆叔豹豹生昭子娒娒生成子不敢敢生武叔州仇

檀弓上疏

牙生武仲休休生惠伯彭彭生皮爲叔仲氏

檀弓

下疏

公子友生齊仲齊仲生無逸無逸生行父行父生武

子夙

檀弓上疏

悼子紇生穆伯靖及平子意如意如生桓

子斯斯生康子肥

檀弓下疏

東門述產子家歸父及昭子子嬰

魯世家索隱檀弓疏引世本云仲

遂魯莊公之

子東門襄仲

叔肸生聲伯嬰齊齊生叔老老生叔弓

檀弓下疏叔弓生

定伯閱閱生西巷敬叔叔生成子還

定十一年疏上並魯卿

衛頃公生子夏勝勝生子石青

昭二十一年疏

孫氏出於衛武公至林父八世

成十四年疏

獻公生成子當當生文子拔拔生朱爲公叔氏

檀弓上疏

公孟彊靈公之子字公孟名彊

隱八年疏

靈公生昭子郢郢生文子木及惠叔蘭蘭生虎爲司

寇氏文子生簡子瑕瑕生衛將軍文氏

檀弓上疏

莊叔達生得閭叔穀穀生成叔烝鉏鉏生項叔羅羅

生昭叔起起生文叔圉圉生惺

祭統疏

懿子兼生昭子舉舉生趙陽

定十四年疏上並衛卿

桓叔生子萬

桓三年疏引世本云韓萬莊伯弟

萬生昧伯昧伯生定

伯簡簡生與與生獻子厥

宣十二年疏引此文脫定伯簡一代

平子名頃宣子子也

按吳世家正義引世本宣子名秦

簡子名不信

莊子名庚景子名虔

並韓世家索隱

韓武子名啓章康子之子

見魏世家索隱

公明生共孟及趙夙夙生成季衰

宣二年疏云世本夙爲衰祖穿爲夙

之曾孫世本轉寫多誤其本未必也此世本又云夙生衰未詳孰是

然衰生宣孟盾

襄子生桓子嘉及代成子起

並趙世家索隱

畢萬生芒芒生季

閔元年疏及索隱引世本並云畢萬生芒芒季以兩人誤合爲一季

生武仲州

按左傳疏州卽犇也又宣十二年傳晉魏錡求公族未得正義云世本以爲犇孫

州生莊子降

世家作絳生絳是爲昭子此引世本脫悼子一代

又以昭子爲莊子亦降生獻子荼荼生簡子取取生

有誤詳見後居篇

襄子多多生桓子駒駒生文侯斯

樂記疏魏三家自威烈王

按韓趙

命爲諸侯以後俱入公族世系

范氏晉大夫隰叔之子士蔦之後蔦生成伯缺

一本作缺

缺生武子會會生文叔燮燮生宣叔匄匄生獻子鞅

鞅生吉射

中行氏晉大夫逝遨生桓伯林父林父生宣伯庚庚

生獻伯偃偃生穆伯吳吳生寅本姓荀自荀偃將中

軍晉改中軍曰中行因氏焉元與智氏同祖逝遨故
智氏亦稱荀

智氏本逝遨生莊子首首生武子嚳嚳生莊子朔朔
生悼子盈盈生文子櫟櫟生宜子申申生智伯瑤並趙

世家
索隱

程鄭荀氏別族成十八年疏
云世本有文

靖侯庶孫欒叔寘父晉世家
索隱

卻豹生冀芮芮生缺缺生克豹又生義義生步揚揚

生州成十一年疏
云州卽欒也揚又生蒲城鵠居居生至成二
年疏

羊舌氏叔向兄弟有季夙

昭五年疏

籍廙生司空頡頡生南里叔子叔子生叔正官伯官

伯生司徒公公生曲沃正少襄襄生司功大伯大伯

生侯季子季子生籍游游生談談生秦

昭十五年疏
索隱引世

本云籍秦者大夫籍游之
孫籍談之子 上並晉鄉

高氏本敬仲生莊子莊子生傾子傾子生宣子宣子

生厚厚生止

又曰傾子之孫武子
偃 襄二十九年疏

國氏本懿伯生貞孟貞孟生成伯高父

檀弓
上疏

管氏本莊仲山產敬仲夷吾夷吾產武子鳴鳴產桓

子啓方啓方產成子孺孺產莊子盧盧產悼子其夷

其夷產襄子武武產景子耐步耐步彥微

管晏列傳索隱

田敬仲生稭孟夷

世本作夷孟思

稭孟夷生潘孟莊

世本作閩孟克

田完世
家索隱

桓子無宇產子疊疊產子獻獻產子執

僖子乞產成子常簡子齒宣子其夷穆子安廩止子

尚鑿茲子芒盈惠子得凡七人

索隱曰杜預又取昭子莊以充入人之數

按世本昭子是桓子之子成子之叔父又不名莊疆以證會言四乘有八人耳並齊世家索隱

成子常生襄子班班生莊子伯

檀弓上疏上並齊卿

宋濬公生弗父何弗父何生宋父宋父生正考父正考父生孔父嘉爲宋司馬華督殺之而絕其世其子木金父降爲士木金父生祁父祁父生防叔爲華氏所逼奔魯爲防大夫故曰防叔防叔生伯夏伯夏生

叔梁紇叔梁紇生仲尼

商頌那疏

孔子後數世皆一子

檀弓

上疏按路史後紀言孔子四十有九表堤眉谷窾參臂駢脅股大十圍長九尺有六寸時謂之長人注云事詳世本注又引世本孔子反首張面並識于此

皇父戴公子

文十一年疏

華父督戴公之孫好父說之子

桓元年疏

督生世子家家

生華孫御事事生華元右師文十六年疏家生秀老老生

司徒鄭鄭生司徒喜成十五年疏

樂氏本戴公生樂甫術術生石甫願繹繹生夷甫傾

傾生東鄉克克生西鄉士曹曹生子罕喜檀弓下疏文十八

年疏引世本術生碩甫澤澤生夷父須須生大司寇呂按春秋禮記並孔氏疏而檀弓所引又多二代其字義亦異當是傳寫之誤碩甫澤卽石甫願繹也又成十六年傳宋將鉏樂懼敗諸洧陂注云樂懼戴公六世孫疏云世本有文今亦無考澤又生季甫甫生子僕伊與樂豫

文七年疏

莊公生右師戊戌生司城師成十五年疏

莊公孫名固爲大司馬

宋世家注

桓公生向父盼盼生司城訾守守生小司寇鱣及合

左師

左師向戊也成十五年疏

向戊生東鄰叔子超超生左師

眇

眇卽向巢也檀弓上疏

桓公生公子鱗鱗生東鄉矐矐生司徒文文生大司

寇子奏奏生小司寇朱

蕩氏本公孫壽生大司馬虺虺生司馬澤

並成十五年疏上

俱宋

卿

子游子瑜並公孫夏之子

昭十九年疏鄭卿

陳宣公生子夏夏生御叔叔生徵舒舒生惠子晉晉

生御寇寇生悼子齧

昭二十二年疏

鍼宜咎陳鍼子八世孫

襄二十四年疏 上並陳卿

薦艾獵

襄十五年傳薦子馮爲大司馬正義云按世本薦艾獵是孫叔敖之兄馮是艾獵之子杜集及釋例皆以薦艾獵叔敖爲一人馮是叔敖之子世本轉爲多誤杜當考得眞

屈蕩屈建之祖父

襄二十五年疏

穆王生王子揚揚生尹尹生令尹句

昭十七年疏 上並楚卿

葉公楚縣公葉公子高

緇衣注疏 論語疏引世本楚大夫沈諸梁食菜于葉簪

並楚卿 上

卷終

世本

漢 南陽宋忠注

宜黃鄒 潢校

氏姓篇

按史記索隱引系本篇云言姓則在上言氏則在下所云系本篇卽世本姓氏篇也

炎帝姜姓

許州向申姜姓也炎帝後

並水經注

有扈姒姓

彤姒姓之國

芮伯姬姓

畢毛姬姓文王庶子

並尚書疏

夷妘姓

莒紀姓

隱二年疏云世本自紀公以下爲已姓不知誰賜之姓十一世茲丕公方見春秋其公以

下微弱不復見
四世楚滅之

燕國姑姓

任姓謝章薛舒呂祝終泉畢過

息國姬姓

魏姬姓

州國姜姓

鄧曼姓

荀賈姬姓

鄆妘姓

羅熊姓

偃姓舒庸舒蓼舒鳩舒龍舒鮑舒龔

斟灌斟鄩夏同姓國

路史國名紀云戈斟姓是爲斟戈世本以爲卽斟灌氏

偃陽妘姓祝融之孫陸終第四子求言之後

昆吾已姓國出自少昊

徐奄羸姓

並左傳疏

姒姓有南氏鄒氏弗氏

子姓有髦氏時氏蕭氏黎氏

羸姓有鍾離氏

莘姓妘姓夏禹之後

豕韋防姓

路史國名紀引世本云陶唐氏後

霍國真姓

胡歸姓國在汝南平輿

路史國名紀引世本云胡子國歸姓夔出

沈姬姓國亦在汝南

蓼六偃姓

路史引世本二國皆姬姓

江黃羸姓

越羊姓也與楚同祖

玉海王會注引世本云東越閩君皆其後

隨國姬姓

路史國名紀引世本云楚滅之

唐姬姓之國

並史記集解

寒姪姓

淮夷靡姓

空同子姓商後國

黎比髦勅改瓦鐵七國皆子姓

密須商時姑姓之國文王滅之

並路史國名紀

新鄜

按國名紀引世本有又君新鄜商世侯國不知其姓又君字疑有誤

衛康叔孫封恒後有常氏恒氏

通志氏族畧引世本云恒氏楚大夫恒思

公之後

仇氏衛後

叔向氏叔夙氏姬姓晉後

封父氏鄭大夫封父彌真之後

子穆氏陳僖子子穆安後

子芒氏陳僖子子芒之後

子沮氏陳烈子之後

楚大夫公朱高出宋公子朱

並路史後記注

融氏古天子祝融之後

公氏有大公叔頴又有公紀氏衛有大夫左公子洩
右公子職

魯有大夫公之文

孫氏齊大夫長孫修食邑於唐其後事晉後號唐孫
氏衛有王孫賈出自周頃王之後王孫賈之子自以
去王室久改爲賈孫氏

司功氏晉大夫司功景子士丐弟佗因官氏焉及司
徒司寇司空並以官爲氏

北氏晉有高人隱於北堂因以爲氏

門氏晉大夫下門聰齊臨淄大夫車門遠陳有闕門

氏

莢氏晉有大夫莢成僖子

勃氏宋右師之後

師氏鄭有子師僕殷時掌樂有太師摯少師陽宋有
樂人師延世掌樂職後有宋大夫師延宜

成氏宋有大夫老成方

涉其氏楚大夫涉其裕

並廣韻

鄆嬀姓子爵夏少康封其少子曲烈於鄆襄公六年
莒滅之鄆太子巫仕魯去邑爲曾氏

巴子國子孫以國爲氏

有熊氏之後爲詹葛氏

鷩氏玄鷩之後

參氏陸終子第二子參胡之後

季隨氏周入士季隨之後

仲行氏秦三良仲行之後

乘睢古賢人

方叔氏鼓方叔之後

少施氏魯惠公子施父之後

季桓子生穆叔其後爲子楊氏

述氏魯大夫仲述之後

彊梁氏衛將軍文子生慎子會生彊梁因氏焉

將軍氏衛靈公子昭生子郢生文子才芳爲將軍氏

史晁氏衛史晁之後

姓氏急就篇引世本云衛有史朝朱駒

季夙氏晉靖侯孫季夙之後

季嬰氏晉樓季嬰之後

狐正氏晉大夫狐正林之後

邠州氏晉邠豹孫步揚生邠州因氏焉

晉大夫大狐伯生突突生饒爲大狐氏

路史注世本有大狐氏小

狐氏漆爲大狐氏射第爲小狐氏

大戊氏晉公子大戊之後大戊教昭爲原大夫

伯宗氏晉孫伯起生伯宗因氏焉

韓厥生無忌無忌生襄襄生子魚爲韓言氏

韓餘氏韓宣子餘子之後因氏焉

去疾氏鄭穆公子去疾之後去疾字子良又有良氏

馮氏歸姓鄭大夫馮簡子之後

子獻氏陳桓子孫子獻之後

子占氏陳桓子生書字子占之後

路史後紀引世本云子石氏桓子生

子石
之後

子尚氏陳儻子生廩止子尚意茲因氏焉

右師氏宋莊公生公子申世爲右師氏

季老氏宋華氏有華季老子孫氏焉

東鄉氏宋大夫東鄉爲人之後

西鄉氏宋大夫西鄉錯之後

泥氏宋大夫卑泥之後

幹獻氏宋司徒華定爲幹獻氏

路史注亦云幹獻氏見世本

子革氏宋司城子革之後

又云季平子支孫亦爲子革氏

子泉氏齊頃公之子公子湫字子泉之後

子工氏齊頃公之子公子子工之後

子乾氏齊公子都字子乾之後

尹文氏齊有尹文子著書五篇

廩丘齊大夫廩丘子之後

路史國名紀引世本又云有梁丘虞丘皆齊采邑

楚季氏楚若敖生楚季因氏焉

鬬彊氏若敖生鬬彊因氏焉

鬬班氏鬬彊生班因氏焉

季融氏鬬廉生季融子孫氏焉

伍參氏楚伍參之後支孫以爲氏

慶父楚大夫慶父之後

並通志
氏族畧

墨夷氏宋襄公子墨夷須爲大司馬後有墨夷阜

路史

後紀引世本有
目夷氏不夷氏

淵氏齊大夫淵湫之後

楚成王孫有田公它成

並急就
篇注

承氏衛大夫承叔成之後

後漢書注

居篇

按史記吳世家魏世家並引世本居篇

黃帝都涿鹿

宋忠曰涿鹿在彭城南

後漢書注

舜居媯汭

一作饒汭

宋忠曰在漢中西城縣或言媯墟在西北舜所居

也或作媯墟故舜所居也後或姓姚或姓媯

水經注

夏禹都陽城避商均也又都平陽是在安邑或在晉

陽

史記正義

宋忠曰陽城本在大梁之南今陳留浚儀是也

御覽

相徙帝正於周爲衛

地理通釋

契居蕃

水經注

昭明居砥石

禮記正義 路史後紀 引世本昭明復遷商

宋衷曰相土就契封於商春秋左氏傳曰閼伯居

商正相土因之

史記殷本紀注

祖乙遷於耿

同上

武王在鄆郟

文選注

懿王居犬丘

宋忠曰懿王自鎬徙都犬丘一曰廢丘今槐里是

也

周本紀注

平王徙居洛

宋忠曰洛誥所謂新邑也

敬王東居成周遂徙都

赧王徙居西周

並地理通釋

西周桓公揭居河南

東周惠公班居洛陽

並周本紀注

周公居少皞之墟

詩地攷

煬公徙魯

宋忠曰今魯國

魯世家注

叔度居上蔡

胡徙居新蔡

宋忠曰名其地爲新蔡王莽所謂新遷者也

水經注

平侯徙下蔡

並蔡世家注

康叔居康

宋忠曰康叔從畿內之康徙封衛衛卽殷墟定昌

之地畿內之康不知所在也

成公徙濮陽

宋忠曰濮陽帝正地名

並衛世家注

叔振鐸封於曹

宋忠曰濟陽定陶縣

曹世家注

錯叔繡封於滕

宋忠曰今沛國公正是滕國也

陳杞世家注

召公居北燕

宋忠曰有南燕故云北燕

桓侯徙臨易

宋忠曰今河間易縣是也

並燕世家注

唐叔虞居鄂

宋衷曰鄂地今在大夏

晉世家注

宣王庶弟友封於鄭

水經注

桓公居械林徙拾

宋忠曰械林與拾皆舊地名是封桓公乃名爲鄭

厲公出居櫟

宋衷曰今潁川陽翟縣

文公徙鄭

宋衷曰卽新鄭也

並鄭世家注

東樓公封於杞

宋忠曰杞今陳留雍丘縣故地理志云雍丘縣故杞國周武王封禹後爲東樓公是也

陳杞世家注

微子國於宋

宋忠曰睢陽

宋世家注

吳孰哉居藩籬

宋忠曰孰哉仲雍字解者云雍是孰食故曰雍字孰哉也藩籬今吳之餘暨也

孰姑徙句吳

文選注引此文下有句音溝三字

宋衷曰孰姑壽夢也代謂祝夢乘諸也壽孰音相

近姑之言諸也毛詩傳讀姑爲諸孰姑壽夢是一

人又名乘也句吳太伯始所居地名

索隱云顏師古注漢書以

吳言句者夷之發聲猶言於越耳而注引宋衷以爲地名蓋見史記太伯有自號句吳之文遂爾縫解彼云是太伯始居地名裴氏引之恐非其義藩籬既有其地句吳何總不知其實吳人不聞別有城邑謂爲句吳則系本之文或難依信

諸樊徙吳

並吳世家注

楚鬻熊居丹陽武王徙郢

路史國名紀引世本云熊渠中子紉封郢東

宋仲子曰丹陽在南郡枝江縣今南郡江陵縣北

有郢城

相二年疏

邾顏居邾肥徙邠

宋仲子曰邾顏別封小子肥於邠爲小邾子

莊五年疏

趙成季徙原

宋忠曰今鴈門平原縣也

趙世家注正義云宋忠說非也左傳襄王以原

賜晉文公原不服文公伐原以示信原降以趙衰爲原大夫卽此原本周畿內邑在懷州濟原縣西北

中山武公居顧桓公徙靈壽爲趙武靈王所滅

同上

云系本不言誰之子孫徐廣云西周桓公之子亦無所據蓋未得其實

魏武子居魏

悼子徙霍

宋忠曰霍地名今河東彘縣也

按索隱云系本無悼子而系本居篇

云魏悼子徙霍則是有悼

子系本卿大夫代自脫耳

昭子徙安邑

按魏世家魏絳卒諡爲昭子徐廣注世本作莊子索隱云世本錯也居篇又曰

昭子徙安邑與世家同是當作昭子

韓景子徙平陽

宋忠曰平陽在山西今河東平陽縣

韓世家注

作篇按禮記明堂周禮校人注並引世本作曰正義云世本作曰者世本書名有作篇其篇記

諸作

伏羲制儷皮嫁娶之禮

禮記月令疏

伏羲作琴

山海經注上有五弦神農氏琴長三尺六寸六分上

博雅伏羲氏琴長七尺二寸

有五弦曰宮商角徵羽文王增二弦曰少宮少商注

云見世本又通鑑綱目五帝紀注引世本云伏羲氏

削桐爲琴面圓法天底平象地龍池八寸通八風鳳

池四寸象四時五弦象五行長七尺二寸以修身理

性反天真也達靈象物昭功也按此文與世本不類未詳所出附錄于此

神農作瑟

山海經注八尺一寸四十五絃黃帝書泰帝使素女

鼓瑟而悲帝禁不止故破其瑟爲二十五絃又書鈔

引世本云庖犧氏作瑟瑟潔也使人精潔于心淳一

子行也按廣韻亦引世本庖犧作瑟

女媧作笙簧

明堂位疏 風俗通書 鈔並引世本女媧作簧

宋均曰女媧黃帝臣也

書鈔一見文選注按明堂位注女媧三皇承必義者

正義引帝王世紀云女媧氏風姓承庖犧制度始作笙簧此以文媧為黃帝臣實未之前聞

黃帝作冕

宋仲子曰冕冠之有旒者禮文殘缺形制難詳二

年疏

黃帝作旒

爾雅釋文 禮記疏引世本云黃帝造火食旒冕

蒼頡作書

尚書序疏 廣韻引世本沮誦蒼頡作書

宋忠曰黃帝之世始立史官蒼頡沮誦居其職矣
至於夏商乃分置左右言則左史書之動則右史
書之故曰左史記言右史記事言經尚書事經春

秋者也

初學記

史皇作圖

類聚引世本
史皇作畫

宋忠曰史皇黃帝臣圖謂畫物象

文選注

容成造厯大撓作甲子

宋仲子曰皆黃帝史官也

春秋序疏

隸首作數

宋衷曰隸首黃帝史也

文選注

義和占日常儀占月與區占星氣伶倫造律呂

史記麻書

索隱曰世本及律麻志黃帝使義和占日常儀占月與區占星氣伶倫造律呂大撓作甲子隸首作算數容成綜此六術而著調麻也按容成大撓隸首三人已據他書采入作篇則此四人皆作也故當以例編次至玉海引世本義和作占月更有誤

芒作網

路史注引作羅

宋衷曰芒庖犧之臣

御覽

蚩尤作兵

路史注引世本蚩尤作五兵戈矛戟奮矛夷矛黃帝誅之涿鹿之野

宋衷曰蚩尤神農臣也

御覽

風沙氏煮海爲鹽

宋衷曰風沙氏炎帝之諸侯今安邑東南十里有

鹽宗廟

路史注

又御覽引世本宿沙作煮鹽宋

忠曰宿沙衛齊靈公臣齊濱海故以爲魚

鹽之利按此說不可

從故以路史爲正

隨作笙長四寸十二簧象鳳之身正月之音也

風俗通

隨作竿

文選注

宋忠曰女媧氏之臣

路史注

胡曹作衣

廣韻

御覽引世本胡曹作冕

宋忠曰黃帝臣也

御覽

於則作屏履

初學記

御

揮始作弓

初學記

牟夷作矢

類聚

宋忠曰揮牟夷黃帝臣

初學記

山海經般是始爲弓矢注引世本牟夷作

矢揮作弓弓矢一器作者兩人于義有疑此言般作之是

共鼓貨狄作舟

山海經番禺是始爲舟注引世本共鼓貨狄作舟

宋忠曰黃帝二臣

類聚

雍父作春

玉篇引世本雍父作曰廣韻引世本羅父作杵曰

宋衷曰雍父黃帝臣也

御覽

烏曹作博

文選注 廣韻引作簿

胘作服牛

初學記 路史注引世本云爲黃帝馬醫嘗醫龍胘

宋衷曰胘黃帝臣也又云少昊時人始駕牛

御覽

祝融作市

玉篇

宋均曰顓頊臣爲高辛氏火正

初學記按唐志有宋均世本注七卷

故諸書亦有引宋均注者非誤宋衷作宋均也

堯修黃帝樂名咸池

樂記疏

舜造簫其形參差象鳳翼長二尺

文獻通考 書鈔引世本云舜時西

王母獻白環及玦

玦文選注作佩

夔作樂

初學記

伯夷作刑

書鈔

路史注引世本陶制五刑

后益作占歲之法

書鈔

玉海引世本后益作歲本

化益作井

宋衷曰化益伯益也堯臣

周易釋文初學記引世本伯益作井又云黃

帝見百物始穿井

垂作規矩準繩

玉篇

垂作耒耜

路史

御覽引世本餘作耒耜

垂作鈹耨

左傳疏引此無鈹字

宋仲子曰銚列也

毛詩疏

垂作鐘

禮記明堂位垂之和鐘鄭注垂堯之共工也

注引世本垂作鐘又風俗通引世本垂作鐘云秋分

之音也又博雅倕氏鐘十六枚曹憲注世本垂造鐘

垂舜臣凡此諸書並以垂爲堯舜時人以所作鐘爲

樂器而爾雅釋文引世本獨以垂所作鍾爲飲器之

鍾通考玉海所引世本又以爲黃帝工人垂造鐘未知何據

母句作磬

禮記明堂位叔之離磬鄭注叔未聞也下

名故路史注引世本樂錄云磬叔所造乃無句也又

風俗通山海經注並引母句作磬無母字通博雅母

句氏磬十六枚曹憲注亦引世本母句作磬

云母句堯臣也文選又引世本云叔舜時人

宋衷曰母句堯臣也

初學記

夷作鼓

類聚

巫彭作醫

山海經注 王
海引作巫咸

宋衷曰巫咸堯臣也以鴻術爲帝堯之醫

御覽

巫咸作筮

周禮春
官疏

鯀作城郭

禮記祭法疏 水經
注引世本無郭字

禹作宮室

爾雅釋文 御覽引
世本堯使禹作宮

奚仲作車

後漢書注 山海經奚仲生吉光吉光是
始以木爲車 注引世本奚仲作車此言吉

光明是父子共制
作意是以其稱之

儀狄造酒

初學記引世本儀狄
始作酒醪變五味

宋衷曰儀狄夏禹之臣

杜康造酒

並酒誥疏

逢蒙作射

類聚

少康作秫酒

初學記

少康作箕帚

廣韻

杼作甲

史記索隱系本季作作甲

宋衷曰少康子名杼也

書費普疏

杼作矛

宋忠曰杼少康子與也

御覽初學記引世本與作甲宋衷曰與少康子按

一少康子也諸引世本名杼又名竹又名輿或以爲作甲或以爲作矛紛紜不一總由本書亡佚傳寫失真故所據本有不同也

昆吾作陶

史記注

相土作乘馬

周禮夏官疏一見荀子注

宋衷曰相土契孫也四馬駕車起於相土故曰作以其作乘馬之法按相土契孫以下當屬宋衷注楊倞注荀子並引作世本文

韓哀作御

前漢書注

宋忠曰韓哀韓文侯也時已有御此復言作者加

其精巧也

文選注

紂爲玉牀

御覽

武王作翬

書鈔

御覽引作篔

宋均曰翬武飾也

莊子釋文

暴辛公作墳

毛詩疏

按毛詩本作塹世本作墳又書鈔辛作新

宋均曰暴辛平王時諸侯作墳有三孔

文選注御覽引世

本云塹暴辛公所造亦不知何人周畿內有暴國豈其時人也本作塹圍五寸半長三寸半凡六孔

風俗通爾雅釋文引世本並同

蘇成公作箎

毛詩疏

書鈔引世本蘇成公造箎吹孔有莠如酸棗風俗通爾雅釋文並云

箎蘇成公所作長一尺二寸惟後漢書注引世本六暴辛公作箎以竹爲之長尺四寸有八孔與諸本異

宋均曰蘇成公平王時諸侯

書鈔

毛詩疏譙周古史考云古有墳笈

尚矣周幽王時暴辛公善墳蘇成公善笈記者因以爲作謬矣世本之謬信如周言其云蘇公暴公

所善亦未

知所出

秦穆公作沐

御覽

魯昭公作弁

宋均曰制素弁也

御覽

公輸般作石磴

後漢書注

衛公叔文子作輓軸

書鈔